

GOBIERNO DE NAVARRA

ECONOMÍA, HACIENDA, INDUSTRIA Y EMPLEO

CULTURA, TURISMO Y RELACIONES INSTITUCIONALES

PRESIDENCIA, JUSTICIA E INTERIOR

EDUCACION

DESARROLLO RURAL, MEDIO AMBIENTE, Y ADMINISTRACIÓN LOCAL

SALUD

POLÍTICAS SOCIALES

FOMENTO

SEGURIDAD Y EMERGENCIAS

Urbasako kanpinak ostegun honetan zabalduko ditu atek 500 pertsonarentzako lekua izanik

Berriz irekitzen dela eta, Barcina Lehendakariak bertako instalazioak bisitatu ditu

Miércoles, 31 de julio de 2013

Nafarroako Lehendakari Yolanda Barcinak [Urbasako kanpin](#)eko instalazioak bisitatu ditu asteazken honetan, eta ostegun honetan, abuztuak 1, berriz ere atek irekiko ditu. Urbasa eta Andiako natur parkean dagoen turismo-establezimenduak 500 pertsonarentzako lekua du eta, hasiera batean, hamalau langile izango ditu.



Agintariak Urbasako kanpineko instalazioak bisititzen.

Nafarroako Gobernuak 95.000 euro inbertitu du bertako instalazioak konpontzen eta funtzionamenduan jartzen. Jarduketa nagusiak egin dira ur-hornidura hobetzeko, hodiak garbitzeko eta taberna, aterpetxea eta araztegia sanatzeko, eraikinak garbitzeko, iturgintzan, teilatuak konpontzeko eta instalazio elektrikoa behar bezala jartzeko.

Kanpina Camping Urbasa ABEEak kudeatuko du, eta hura Beretegia SI eta Camping Etxarri SLk osatzen dute. ABEE horrek lortu du hamar urterako administrazio-emakida (2013ko ekainaren 30era arte), eta gehienez ere hamabost arte luza daiteke. Trukean, urtean 36.000 euroko kanona ordainduko dio Foru Administrazioari, eta zenbateko hori 12.000 eta 24.000ra murriztuko da 2013 eta 2014 urteetarako.

Bisitan izan dira, bigarren lehendakariorde eta Kultura, Turismo eta Erakundeekiko Harremanetarako kontseilari Juan Luis Sánchez de Muniáin, eta Turismo eta Merkataritzako zuzendari nagusi Carlos Erce, bai eta Camping Urbasa ABEEko ordezkari Ana Beriáin (Beretegia SI) eta Floren Imaz ere (Camping Etxarri SL).

Instalazioak



Agintariak Urbasako kanpineko bungalow-etako bat bisititzen.

Instalazioak Lizarrak Olaztirekin bat egiten duen errepideko 30. kilometroaren alboan daude, Urbasako mendilerroan, itsas mailatik ia 900 metrotara, lehengo Bioitza zaldien alboan.

Kanpinak hamika bungalow, sei gel bikoitz eta hainbat gela ditu sei eta bederatzi lagunentzako 90 pertsonentzat. Gainera, kanpatzeko eta aisialdirako 50.000 metro koadroko zonaldea du, bai eta t150 lagunentzako terraza duen taberna-jatetxe bat eta beste zenbait zerbitzu orokor ere, esaterako: aparkalekua, bainugelak, dutxak, barbakoa egiteko guneak eta erizaintza.

Gainera, etorkizunean zaldien turismorako eta zikloturismorako zerbitzuak eskaintzea ere aurreikusten da, bai eta denden gune bat ere.

Administrazio-kontratuak jasotzen duenez, instalazioak apirilaren 1etik urriaren 31ra zabalik izan beharko dute etenik gabe, eta martxoan, azaroan eta abenduko lehen hamabostaldian asteburuetan bakarrik.

Kanpinaren ordutegia 24 ordukoa izango da. Harrera 09:00etatik 14:00ak arte eta 16:00etatik 20:00ak arte izango da zabalik. Gaez zaintza egongo da. Tabernaren ordutegia 09:00etatik 24:00ak arte da eta jatetxearena, 13:00etatik 16:00ak arte eta 20:30etik 23:00ak arte.